

# «ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ ՍՏՈՒԳՈՒՄՆԵՐԻ ԿԱԶՄԱԿԵՐՊՄԱՆ ԵՎ ԱՆՑԿԱՑՄԱՆ ՄԱՍԻՆ» ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔՈՒՄ ԼՐԱՑՈՒՄՆԵՐ ԵՎ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ

ՆԱԽԱԳԻԾ

## «ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ ՍՏՈՒԳՈՒՄՆԵՐԻ ԿԱԶՄԱԿԵՐՊՄԱՆ ԵՎ ԱՆՑԿԱՑՄԱՆ ՄԱՍԻՆ» ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔՈՒՄ ԼՐԱՑՈՒՄՆԵՐ ԵՎ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ

**Հոդված 1.** «Հայաստանի Հանրապետությունում ստուգումների կազմակերպման և անցկացման մասին» Հայաստանի Հանրապետության 2000 թվականի մայիսի 17-ի ՀՕ-60 օրենքի (այսուհետ՝ Օրենք) 1-ին հոդվածում՝

- 1-ին մասի «անհատ ձեռնարկատերերի» բառերից հետո լրացնել «մեկ մարդատար-տաքսի ավտոմոբիլով փոխադրումներ իրականացնող ֆիզիկական անձինք, ոչ կանոնավոր փոխադրումներ իրականացնողներ» բառերով.
- 3-րդ մասի «երկրորդ պարբերությամբ» բառերը փոխարինել «երկրորդ և երրորդ պարբերություններով» բառերով.
- 3-րդ մասը լրացնել նոր պարբերությամբ.

««Ավտոմոբիլային տրանսպորտի մասին» Հայաստանի Հանրապետության օրենքով սահմանված դեպքերում Հայաստանի Հանրապետության [քաղաքաշինության, տեխնիկական և հրդեհային անվտանգության տեսչական մարմին](#) կատարում է հսկիչ գնում՝ սույն օրենքի N 2.2 հավելվածով սահմանված կարգով, որոնց արդյունքներն օգտագործվում են տնտեսվարող սուբյեկտի կողմից «Ավտոմոբիլային տրանսպորտի մասին» Հայաստանի Հանրապետության օրենքը խախտելու հարցը քննարկելու նպատակով: Տնտեսվարող սուբյեկտների և ստուգող անձանց՝ սույն օրենքով սահմանված իրավունքներն ու պարտականությունները գործում են նաև սույն պարբերությամբ սահմանվող ուսումնասիրությունների դեպքում:»:

**Հոդված 2.** Օրենքը լրացնել նոր 2.2-ի հավելվածով.

«Հավելված 2.2

«Հայաստանի Հանրապետությունում ստուգումների կազմակերպման և անցկացման մասին» Հայաստանի Հանրապետության օրենքի

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՔԱՂԱՔԱՇԻՆՈՒԹՅԱՆ, ՏԵԽՆԻԿԱԿԱՆ ԵՎ ՀՐԴԵՀԱՅԻՆ ԱՆՎՏԱՆԳՈՒԹՅԱՆ ՏԵՍՉԱԿԱՆ ՄԱՐՄՆԻ ՀՍԿԻՉ ԳՆՄԱՆ ԿԱՐԳԸ**

1.1. Սույն կարգով սահմանվում են «Ավտոմոբիլային տրանսպորտի մասին» Հայաստանի Հանրապետության օրենքով նախատեսված դեպքերում Հայաստանի Հանրապետության քաղաքաշինության, տեխնիկական և հրդեհային անվտանգության տեսչական մարմնի (այսուհետ՝ տեսչական մարմին) կողմից տնտեսվարող սուբյեկտի փաստացի գործունեությունը բացահայտելու համար:

1.2. Տեսչական մարմնի հսկիչ գնում է համարվում ավտոմոբիլային տրանսպորտի բնագավառի իրավական ակտերի, լիցենզիաների և միջազգային թույլտվությունների պահանջներ կատարելուն վերաբերող՝ տեսչական մարմնի իրականացրած ուսումնասիրությունը:

Հսկիչ գնումը կատարվում է տեսանկարահանելու կամ ձայնագրելու միջոցով:

1.3. Հսկիչ գնման համար հիմք են՝

1) տեսչական մարմնի համապատասխան աշխատակցի՝ տեսչական մարմնի ղեկավարին ուղղված զեկուցագիրը հսկիչ գնում կատարելու մասին.

2) երրորդ անձից ստացված տեղեկությունը (այսուհետ՝ դիմում): Երրորդ անձ է համարվում հսկիչ գնման կողմ չհամարվող անձ, որը ավտոմոբիլային տրանսպորտի բնագավառի օրենսդրության պահանջների հնարավոր խախտումների վերաբերյալ տեսչական մարմին է ներկայացնում դիմում:

1.4. Հսկիչ գնում կատարվում է տեսչական մարմնի ղեկավարի հանձնարարագրով (այսուհետ՝ հանձնարարագիր), որում նշվում են հսկիչ գնում կատարելու հիմքերը, նպատակը, տնտեսվարող սուբյեկտի տվյալները (ֆիզիկական անձի դեպքում՝ անձնագրային տվյալները կամ հանրային ծառայության համարանիշը, անհատ ձեռնարկատիրոջ դեպքում՝ ՀՎՀՀ-ն, անունը, ազգանունը, իսկ իրավաբանական անձի դեպքում՝ ՀՎՀՀ-ն, լրիվ անվանումը և գտնվելու վայրը), հսկիչ գնում կատարելու վայրը, ժամկետները և տեսչական մարմնի՝ հսկիչ գնում կատարող պաշտոնատար անձի (անձանց) տվյալները (անունը, ազգանունը, պաշտոնը)՝ վավերացված տեսչական մարմնի կնիքով:

1.5. Հսկիչ գնումը կատարվում է առանց տնտեսվարող սուբյեկտների նախնական ծանուցման:

Հսկիչ գնումից հետո հանձնարարագիրը ներկայացվում է տնտեսվարող սուբյեկտին (իրավաբանական անձի դեպքում՝ ղեկավարին կամ փոխարինող

պաշտոնատար անձին):

1.6. Հսկիչ գնումի արդյունքում կազմվում է տեսչական մարմնի սահմանված ձևով արձանագրություն՝ երկու օրինակից: Արձանագրության մեջ նշվում են հանձնարարագրի համարը, ամսաթիվը, արձանագրությունը կազմելու վայրը, հսկիչ գնում կատարելու վայրը, ժամանակը, հսկիչ գնում կատարող պաշտոնատար անձի (անձանց) (անունը, ազգանունը, պաշտոնը): Արձանագրությունն ստորագրում է հսկիչ գնում կատարող անձը (անձինք) և տնտեսվարող սուբյեկտը (իրավաբանական անձի դեպքում՝ ղեկավարը կամ փոխարինող պաշտոնատար անձը) կամ նրա անունից ծառայություն մատուցողը: Արձանագրությունն հանձնվում է տնտեսվարող սուբյեկտին (իրավաբանական անձի դեպքում՝ ղեկավարին կամ փոխարինող պաշտոնատար անձին), որն առարկություններ ունենալու դեպքում դրանք ներկայացնում է գրավոր:

2. Տեսչական մարմնի հսկիչ գնումները ֆինանսավորվում են պետական բյուջեից տեսչական մարմնի համար նախատեսված միջոցների հաշվին:»:

**Հոդված 3.** Սույն օրենքն ուժի մեջ է մտնում պաշտոնական հրապարակման օրվան հաջորդող տասներորդ օրը: